

洛陽縣志

重修洛陽縣志卷之二十一

武進龔崧林麈園編次

藝文之十

詩六 七言律

唐

從幸香山寺應制闕下
衣冠多有作者

沈佺期

南山奕奕通丹禁
北闕峩峩連翠雲
嶺上樓臺千地起
城中鐘鼓四天聞
旃檀閣金輿度
鸚鵡晴林采朧分
願以

醍醐參聖酒還將祇苑當秋汾

和上已連寒食有懷京洛

一作孫越同上

天津御柳碧遙遙軒騎相從半下朝行樂光輝寒食借太
平歌舞晚春饒紅妝樓下東迴輦一作東青草洲邊南渡
橋坐見司空掃西第看君侍從落花朝一作道

早春洛陽荅杜審言

于季子

梓澤年光往復來杜霸遊人去不迴若非載筆登麟閣定
是吹簫伴鳳臺路傍桃李花猶嫩波上芙蓉葉未開分明
寄語長安道莫教留滯洛陽才

奉和春日出苑矚目應令

時為太子舍人
使在東都作

賈曾

銅龍曉闕問安迴，金輅春遊博望開。
渭北晴光搖草樹，終南佳氣入樓臺。
招賢已得高山上，老託乘還徵鄴下。
才臣在東周獨留，滯听逢睿藻日邊來。

廣達樓下夜侍醺宴應制

蘇頲

東嶽封迴宴洛京，西墉通曉會公卿。
樓臺絕勝宜春苑，燈火還同不夜城。
正覩人間朝市樂，忽聞天上管絃聲。
醺來萬舞群臣醉，喜戴千年聖主明。

使君席夜送嚴河南赴長水

得時字

岑參

嬌歌急管雜青絲
銀燭金杯映翠眉
使君地王能相送河
尹天明坐莫辭
春城月出人皆醉
野戍花深馬去遲
寄聲報爾山翁道
今日河南勝昔時

聞官軍收河南河北

杜甫

劍外忽傳收冀北
初聞涕淚滿衣裳
卻看妻子愁何在
漫卷詩書喜欲狂
白首放歌須縱酒
青春作伴好還鄉
即從巴峽穿巫峽
便下襄陽向洛陽

上陽宮望幸

劉長卿

玉輦西巡久未還春光猶入上陽間萬木長承新雨露千
門空對舊河山深花寂寂宮城閉細草青青御路閑獨見
彩雲飛不盡只應來去候龍顏

送孔巢父赴河南軍

一作皇甫冉 同上

江城相送隔煙波兄復新秋一鴈過聞道全軍征北虜又
言詩將會南河邊心冉冉一作杳杳鄉人絕寒色青青戰馬多
共許陳琳工奏記知君名宦一作行未蹉跎

獄中聞收東京有赦

同上

傳聞闕下降絲綸為報關東滅虜塵壯志已憐成白首餘

生猶待發青春風霜何事偏傷物天地無情亦受人持法
不須張密網恩波自解惜枯鱗

贈王侍御

韋應物

心同野鶴與塵遠詩似冰壺見底清府縣同趨昨日事升
沈不改故人情上陽秋晚蕭蕭雨洛水寒來夜夜聲自歎
猶為折腰吏可憐驄馬路傍行

送河南陸少府

錢起

雲間陸生美且奇銀章朱綬聯金羈自料抱材將致遠寧
嗟趨府暫牽卑東城社日催巢燕上苑秋聲散御梨朝夕

詔書還柏署行看飛集高枝

送王府張參軍附學及第東歸

韓翃

鄰家不識鬬鷄翁閉戶能齊隱者風
顧步曾為小山客成名因事大江公
一身千里寒蕪上單馬重裘臘月中
寂寂故園行見在暮天殘雪洛城東

秋夜寄皇甫冉鄭豐

劉方平

洛陽清夜白雲歸城裏長河列宿稀
秋後見飛千里鴈月中聞擣萬家衣
長憐西雍青門道久別東吳黃鵠磯
借問客書何所寄用心不啻兩鄉違

秋夕閑居對雨贈別盧七侍御坦

竇牟

燕燕辭巢蟬蛻枝窮居積雨壞簷籬夜長簷雷寒無寢日
宴厨煙溼未炊悟主一言那可學從軍五首竟徒為故人
驄馬朝天使洛下秋聲恐要知

奉酬侍御家兄東洛閑居夜情觀雪之什

竇牟

洛陽宮觀與天齊雪淨雲消月未西清淺乍分銀漢近輝
光漸覺玉繩低綠醺乍熟堪聊酌黃竹篇成好命題應念
武關山斷處空愁薄領候晨鷄

酬白樂天劉夢得

馮宿

共稱洛邑難其選何幸天書用不才
遙約和風新草木且令晴雪靜塵埃
臨岐有愧傾三省別酌無辭醉百杯
明歲杏園花下集須知春色自東來

洛陽早春憶吉中孚校書司空曙主簿
因寄清江上人

盧綸

值迴逢高駐馬頻雪晴閑看洛陽春
鶯聲報遠同芳信柳色邀歡似故人
酒貌昔將花共艷鬢毛今與草爭新
年來百事皆無緒唯與湯師結淨因

洛中張籍新居

盧綸

最是城中閑靜處更回門向寺前開
雲山且喜重重見親故應須得得來
借倩學生排樂合留連處士乞松栽
自居移
到無多日牆上人名滿綠苔

上陽宮

同上

上陽花木不曾秋洛水穿宮處處流
畫閣紅樓宮女笑玉簫金管路人愁
慢城入澗橙花發玉輦登山桂葉稠
曾讀列仙王母傳九天未勝此中遊

春題龍門香山寺

一作楊巨源

武元衡

麝香天上梵仙宮，鐘磬寥寥半碧空。
清景乍開松嶺月，亂流長響石樓風。
山河沓映春雲外，城闕參差茂樹中。
欲盡出尋那可得，三千世界本無窮。

將歸東都寄

別一作

金狐舍人

楊巨源

綠陽紅杏滿城春，一騎悠悠萬井塵。
岐路未關今日事，風光欲醉長年人。
閑過綺陌尋高寺，強對朱門謁近臣。
多病晚來還有策，雒陽山色舊相親。

洛中初冬拜表有懷上京故人

劉禹錫

鳳樓南面控三條，拜表郎官早渡橋。
清洛曉光鋪碧簾，上

陽霜葉剪紅綃省門簪組初成列雲路駕鸞想逐朝寄謝
慇懃九天侶槍榆水擊各逍遙

洛中寺北樓見賀監草書題詩

同上

高樓賀監昔曾登壁上筆蹤龍虎騰中國書流尚象北
朝文士重徐陵偶因獨見空驚目恨不同時便伏膺唯恐
塵埃轉磨滅再三珍重屬山僧

尉遲郎中見示自南遷牽復却至洛城東舊居之作
因以和之

同上

曾遭飛語十年謫新受恩光萬里還朝服不妨遊洛浦郊

園依舊看嵩山竹舍天籟清商樂水遠庭臺碧玉環留作
功成遶身地如今只是暫時閑

同樂天送河南馮尹學士

同上

可憐五馬風流地暫輟金貂侍從才閣上掩書劉向去門
前修刺孔融來崎嶇路靜寒無雨洛水橋長畫起雷共羨
府中棠棣好先於城外百花開

時馮伯仲四人並以
顯官居洛士崇榮之

同樂天送金狐相公赴東都留守

同上

尚書鉉履出明光居守旌旗赴洛陽世上功名兼將相人
間聲價是文章衙門曉闢分天仗賓幕初開辟省郎從發

坡頭向東望春風處處有甘棠

刑部白侍郎謝病長告改實客分司以詩贈別

同上

鼎食華軒到眼前拂衣高謝豈徒然九霄路上辭朝客四
皓叢中作少年他日卧龍終得雨今朝放鶴且冲天洛陽
舊有衡茆在亦擬抽身伴地仙

和樂天洛下醉吟寄太原令狐相公兼見懷長句

同上

舊相臨戎非稱意到人作尹奉憂情從容自使邊庭靜設

笑不聞桴鼓聲章句新添塞下曲風流舊占洛陽城昨來
亦有吳趨詠惟寄東都與北京

酬令狐相公見寄

同上

才兼文武播雄名遺愛芳塵滿洛城身在行臺為僕射書
來角里訪先生閑遊占得嵩山色醉卧高聽洛水聲千里
相思難命駕七言詩裏寄深情

自左馮歸洛下酬樂天兼呈裴金公 同上

新恩通籍在龍樓分務神都近舊邱自有園公紫芝侶

時賓

行四人盡在洛陽

仍追少傅赤松遊華林霜紫紅霞晚伊水晴光

碧玉秋更接東山文酒會始知江左未風流

酬樂天請襲令公開春如宴

同上

高名大位能兼有恣意遨遊是特恩二室煙霞成步障三
川風物是家園晨窺苑樹韶光動晚度河橋春思繁弦管
常調客常滿但逢花處即開樽

郡內書情獻裴侍中留守

同上

功成頻獻乞身章擺落襄陽鎮洛陽萬乘旌旗分一半八
方風雨會中央兵符今奉黃公畧書殿曾隨翠鳳翔心寄
華亭一雙鷗日陪高步繞池塘